



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI A KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA

PO'AKAHI , 26 KEPAKEMAPA 2022, HOLA 3:00 'AUI.

MA O KA ZOOM: HĀLĀWAI KELEKA'A'IKE

Nā Lālā Komikina i Kū Mai:

- | | |
|------------------------|---|
| Kalani Ka'anā'anā | - Ke'ena Kuleana Ho'okipa o Hawai'i (HTA) |
| Maenette Ah Nee-Benham | - Koho 'Ia E Ke Kia 'āina |
| Māpuana de Silva | - Kaiāulu |
| Sylvia Hussey | - Ke'ena Kuleana Hawai'i (OHA) |
| Jarrett Keohokālole | - 'Aha Kenekoa o Hawai'i |
| Jamie Lum | - Ke'ena Ho'omohala Waiwai a me ka Ho'okipa (DBEDT) |
| Richard Onishi | - 'Aha Lunamaka'āinana o Hawai'i |
| Kehaulani Pu'u | - Ke Kūlanakauhale a Kalana o Honolulu |

Nā Hoa Kipa:

- | | |
|-------------------------|---|
| Mamiko Caroll | - Kaiāulu |
| Eric Chang | - Kaiāulu |
| Maka Casson-Fisher | - Ke'ena Kuleana Ho'okipa o Hawai'i (HTA) |
| Vilsoni Hereniko | - Kaiāulu |
| Kawaikapuokalani Hewett | - Kaiāulu |
| Monte McComber | - Lālā Komikina Kāko'o i ka CPAC |
| Lynn J. Martin Graton | - Kaiāulu |
| June Matsumoto | - Kaiāulu |
| Aaron Salā | - Luna Ho'olaule'a |
| Mālia Sanders | - 'Ahahui Ho'okipa 'Ōiwi Hawai'i |
| Miki-tae Tapara | - Kaiāulu |
| Pris Texeira | - Kaiāulu |

Nā Limahana:

- | | |
|---------------|---------------|
| Elise Amemiya | - Loio Kuhina |
| Timothy Tiu | - DBEDT |
| Scott Tome | - DBEDT |
| Selma Malcolm | - DBEDT |

Nā Mihi:

- | | |
|----------------|-----------|
| Snowbird Bento | - Kaiāulu |
|----------------|-----------|

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 26 Kepakemapa, 2022, hola 3:00 'au ma o ka Zoom
'Ao 'ao 2 o 7

HO'OMAKA

Ua kāhea ka Luna Ho'omalua Ka'anā'anā no ka ho'omaka 'ana o ka hālāwai ma ka hola 3:03 'au. me ke aloha a mahalo 'ana i ka po'e i ke komo i ka hana me ke Komikina i ka wā e ho'omākaukau a e ho'olālā ana no ka Ho'olaule'a No'eau a Mo'omeheu Pākīpika 13. Ua mihi 'o ia i ka ho'omaka lohi 'ana o ka hālāwai.

Ua ho'olauna 'o Mika Keohokālōle i ke Kumu Hula Kawaikapuokalani Hewett, he mea kipa hanohano mai ka 'ao'ao Ko'olau o O'ahu nāna e wehe i ka hālāwai. Ua mahalo akula 'o Mika Hewett i ke Komikina i ka wā e hiki ai ke ka'ana i ka 'ike kupuna. Ua oli 'o ia he mele oli pōkole ma luna o ka hua'ōlelo 'o kupu. 'O kupu pū ka hua'ōlelo mole o kupuna a me ka ulu 'ana. 'O ka mana'o nui ke kahukahu 'ana i ka ulu 'ana e hiki ai ke ulu. E mālama nō ho'i i kēia lōina a nā kūpuna; a ma ia 'ano, e mālama a e mahalo ana i nā kūpuna. Ua pani 'o Mika Hewett ma ke ka'ana i ka 'ōlelo no'eau – i ka wā e loa'a ai ka 'ike, he mea nui ka mālama 'ana. No laila, e kūpono ka 'ike 'ana a pēlā e pōmaika'i ai.

Ua mahalo 'o Mika Hewett i ka po'e a pau i ka 'ae iā ia i kēia wā e ka'ana like ai. Ua hō'ike 'o ia i kona ho'omaka 'ana e hana ma ke Kulanui Kaiāulu o ke Ko'olau i ka MH 1979 a 'o ia mau ke a'o 'ana a hiki i kēia lā i ka MH 2022.

Ua mahalo ka Luna Ho'omalua i ke Kumu i ka hō'ike'ike a pani 'ia ke kīkolā o nā Lālā Komikina i hō'ea: ka Luna Ho'omalua Ka'anā'anā, Mike Ah Nee-Benham, Mike de Silva, Mike Hussey, Mika Keohokālōle, Mike Lum, Mika Onishi, a me Mike Pu'u. Ua ho'oku'u 'ia ka Lālā Komikina Bento.

'ŌLELO HŌ'IKE A KA LEHULEHU

Ua kono ka Luna Ho'omalua Ka'anā'anā i nā lālā o ka lehulehu e hō'ike mana'o no nā kumumana'o o ka papa kumumana'o. No ka 'ole, ua ho'omau 'o ia i nā kumumana'o 'ē a'e.

'ĀPONO I KA MO'OLELO HĀLĀWAI 15 'AUKAKE, 2022

Ua kāka'ahi 'ia aku ka mo'olelo hālāwai 15 'Aukake 2022 a nānā 'ia na nā Lālā Komikina. Ua nīnau ka Luna Ho'omalua inā he mau mana'o a mana'o ho'ololi i ka mo'olelo hālāwai. Ua noi ua Luna Ho'omalua nei i ka hāpai 'ia o ka mana'o ho'oholo i holo iā Mike Ah Nee Benham a i kāko'o 'ia e Mika Keohokālōle. Ua hō'ike 'o Mike de Silva i ka pela hemahema 'ia o ko Paula Carr inoa. He "C" ka pololei ma kahi o ke "K." Ua noi 'ia ke koho pālōka hui a penei nā Lālā Komikina i 'āpono i ka mo'olelo hālāwai 15 'Aukake 2022 me ka mana'o ho'ololi li'ili'i: ka Luna Ho'omalua, Mike Ah Nee-Benham, Mike de Silva, Mike Hussey, Mika Keohokālōle, Mike Lum, Mika Onishi, Mike Pu'u.

Ua hāpai 'ia ke noi e 'āpono i ka mo'olelo hālāwai 15 'Aukake 2022 e like me kona ho'oponopono 'ia no ka pela.

KA NŪ HOU NO NĀ WĀ HUI I 'ĀPONO 'IA, ME KA HAHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Ua nīnau ka Luna Ho'omalua Ka'anā'anā inā he mau wā hui i 'āpono 'ia i mālama 'ia ma waho o ka hālāwai kōmike wahi hui o ka lā 21 Kepakemapa, 2022, i ka hola 10 kak. 'A'ohe wā hui i

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 26 Kepakemapa, 2022, hola 3:00 'au ma o ka Zoom
'Ao 'ao 3 o 7

'āpono 'ia i hāpai 'ia na ke Komikina a ua ho'omau akula ka Luna Ho'omalulu i kekahi kumumana'o.

HŌ'IKE'IKE, KŪKĀ, A HANA NO KA MANA'O HO'OHŌLO KOMIKINA NO KA HO'OLAULE'A NO'EAU A MO'OMEHEU PĀKĪPIKA 2022-01

Ua hāpai ka Luna Ho'omalulu Ka'anā'anā e ho'opane'e pau loa 'ia kēia kumumana'o a 'a'ole e 'imi ke Komikina i ka mana'o ho'oholo kūhelu he ala e ho'opa'a 'ia ai nā mana'o ho'oholo a pau. Ua nīnau akula ua Luna Ho'omalulu Ka'anā'anā nei inā he nīnau a mana'o. No ka 'ole, ua wala'au lihi 'o ia me Mike Amemiya, ka AG Ho'okō, a ho'opane'e pau loa 'ia akula ke kumumana'o. Ua holo like ka mana'o i nā Lālā Komikina a pau.

KA HŌ'IKE'IKE, KE KŪKĀKŪKĀ, A ME KA HANA PILI I KA PALAPALA HŌ'IKE A KA LUNA HO'OLAULE'A

Ua kāhea ka Luna Ho'omalulu Ka'anā'anā i ka Luna Ho'olaule'a Salā no kāna hō'ike.

Ua hō'ike ka Luna Ho'olaule'a no ka mālama 'ole 'ia o kahi hālāwai kōmike ho'okele ma muli o ke ku'ia ho'opa'a hālāwai. Ua hō'ike ua Luna Ho'olaule'a nei no ka ho'okō 'ia o ke kahuapa'a Ho'olaule'a No'eau a Mo'omeheu Pākīpika a mākaukau no ka ho'opuka 'ia ma ka pau 'ana o ka makahiki 2022, a ma mua mai paha. No ke Ka'akālai Kūlelepaho, ua hō'ike 'o ia no ka maika'i o ka hana a nā haumāna o ka Academy for Creative Media – o Ke Kulanui o Hawai'i ma O'ahu Komohana ma ka hakulau 'ana i ke kahuapa'a, no ko ka Ho'olaule'a No'eau a Mo'omeheu Pākīpika. Lana ko ka Luna Ho'olaule'a mana'o i ka hiki ke hō'ike i ke Komikina ma ka hālāwai 'Okakopa 2022. 'O kekahi mea, e kālele ana ka hana e holo nei ma luna o ka mo'omeheu a e 'ike 'ia ka hō'ike mana'o 'ana no ke kahuapa'a ma nā hua kūlelepaho. Ua hāpai ka Luna Ho'olaule'a 'a'ole e maka'u nā Lālā Komikina inā kono 'ia e kākau he mana'o no ka Ho'olaule'a No'eau a Mo'omeheu Pākīpika. Hiki ke pili i ka hō'ike mana'o pilikino, he hali'a aloha, a he hana me ko ka Ho'olaule'a No'eau a Mo'omeheu Pākīpika

Ua hō'ike pū ka Luna Ho'olaule'a no ka hō'ike 'ia o kekahi kāmua o ka 'oloke'a papa hana i ke Kōmike Wahi a Papa Hana a i ke Komikina holo'oko'a. No nā wahi, ua hō'ike ka Luna Ho'olaule'a he pa'a mai koe o ka 'aelike hana me ka Hale Hō'ike'ike 'o Pīhōpa a me Ke Kulanui o Hawai'i a he mau hālāwai kāna me ke ke'ena Pelekikena o ke Kulanui. He mau nīnau e pono ai ke kūkā me ke Kōmike Wahi a Papa Hana i mea e ho'olako 'ia ai ka 'ike hou i ko ke Kulanui no ka ho'oku'u kuleana, a pēlā aku.

Ua hō'ike ka Luna Ho'olaule'a no kona komo 'ana i ka Pacific Island Conference of Leaders (PICL) mai nā lā 12-14 o Kepakemapa, 2022, a ua komo pū nā lālā mai ka 17 lāhui Pākīpika, 'o ia ho'i nā Lālā Alaka'i a Kuhina. Ua hō'ike ka Luna Ho'olaule'a i ka nūhou no ka Ho'olaule'a No'eau a Mo'omeheu Pākīpika a ua hui pākahi akula me kekahi mau alaka'i e kūkā ai i nā mana'o no ko Hawai'i he mea ho'okipa a mālama i ka Ho'olaule'a a me nā ala e kāko'o pū ai.

Ua hō'ike ka Luna Ho'olaule'a no kona komo 'ana i kekahi mau hālāwai me ko The Pacific Community (SPC) i Suva, Fiji, mai nā lā 2-9 o 'Okakopa, 2022. Ma ia hālāwai, e hālāwai ana ka Luna Ho'olaule'a me nā lālā o ka Land Resources Department for Biosecurity, ka Pacific Island Forum, ka Fiji Arts Council, a pēlā aku. I mea ka hālāwai e hō'ioia 'ia ai nā koina SPC no ka palekana ma'i, kumuwaiwai 'āina, a pēlā aku. Ua hāpai ka Luna Ho'olaule'a no ka 'ane pa'a

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 26 Kepakemapa, 2022, hola 3:00 'au ma o ka Zoom
'Ao 'ao 4 o 7

'ana mai o ka palapala palekana ma'i āna e hāpai ai me ko ke kime palekana ma'i SPC i Suva. E hō'ike 'o ia i ke Kōmike Ho'okele no ka 'āpono 'ia a kāka'ahi pū 'ia aku.

Ma kēia māhele, ua hō'ike ka Luna Ho'olaule'a i kona mahalo iā Mika Eric Chang, ka Ho'olauka'i Papa Hana Pāheona ma ka East West Center (EWC) a iā Mike Barbara Smith i ka ho'olako mai i ke kālā i holo ai 'o ia i Suva, Fiji mai nā lā 2-9 o 'Okakopa, 2022, e komo ai i ka hālāwai me ka SPC.

No ka huaka'i i Aotearoa i Novemapa 2022 e hui ai me ka hui o Aotearoa, ua hāpai ke Komikina e lilo ka Luna Ho'olaule'a 'o ia ka lālā hana pū ma waena o ko Aotearoa, ka hui o Aotearoa, a me ko Hawai'i. Ma kēia hālāwai, e ka'ana ka Luna Ho'olaule'a i ka mea i ho'olālā 'ia no ka hui Aotearoa, a e hō'ike 'ia mai nō nā noi no ka ka Ho'olaule'a No'eau a Mo'omeheu Pākīpika. Ua mahalo ka Luna Ho'olaule'a i nā Lālā Komikina me ka hō'ike pū i kona 'imi 'ana iā Paula Carr lāua 'o Miki-tae Tapara no ka ho'olālā 'ia o nā hālāwai mua ma Aotearoa. Ua nīnau ka Luna Ho'olaule'a no ka nui e komo ai ke Komikina no ka huaka'i i Aotearoa. Ua hō'ike 'o Mike deSilva i kona mana'o, inā he mau nīnau ho'olālā, ua hiki i ka Luna Ho'olaule'a ke 'auamo, eia na'e, 'a'ole kēia he wā e ho'ohiki ai i kekahi mea i kekahi hui. Ua hāpai ka Luna Ho'omalua inā he kūkā hou aku, a no ka 'ole, ua noi ka Luna Ho'omalua i ka Luna Ho'olaule'a e lilo 'o ia ka lālā hana pū no ke Komikina.

Ua hō'oia ka Luna Ho'olaule'a i kona hui pū 'ana me Mike Ah-Nee-Benham lāua 'o Mika Keohokālōle no ka ho'omākaukau 'ana no kāna hālāwai me Mike Vares-Lum, ka Pelekikena o ka EWC e pa'ahana nei i Wakinekona, D.C. e ho'omākaukau ana no kekahi ala e kipa ai kekahi hui Hawai'i a ho'opaipai no ke kālā no ka Ho'olaule'a No'eau a Mo'omeheu Pākīpika. He ala he hui Hawai'i ma Wakinekona D.C. e kūkulu 'ia ai nā pilina no nā hana ho'oulu kālā ma ka pae pekelala 'o ia ho'i nā kānaka ma nā hale kau'āina e kāko'o ana i ka pāheona. Ma ka no'ono'o i nā lā huaka'i, ua hō'ike ka Luna Ho'olaule'a no ka huaka'i 'ana ma hope pono o kāna huaka'i i Aotearoa i Nowemapa 2022, he makemake nō na'e kona e hana pū me ka Luna Ho'omalua Ka'anā'anā a me nā Lālā Komikina kiko'i ma ka ho'omohala he papa hana. Ua hō'ike ka Luna Ho'omalua no ka 'āpono 'ē 'ana o ke Komikinah e huaka'i i Wakinekona D.C. nona ka mo'ohelu nui loa e kāko'o 'ia ai ka huaka'i. E ho'omau ka Luna Ho'olaule'a a ho'olālā i ka huaka'i ma loko o nā palena o ka mo'ohelu i ho'oholo 'ia na ke Komikina.

Ua hō'ike 'o Mika Keohokālōle no kona ho'omaopopo 'ana he kūkā pili i kekahi hō'ike'ike no ka hana a mo'ohelu, he pakuhi GANTT. Ua hō'ike ka Luna Ho'olaule'a no kona hō'ike mua 'ana i ka 'alemanaka a hiki i ka pau 'ana o 3/2024 ma ka hālāwai Komikina hope iho nei o Kepakemapa 26, 2022, a no ka mo'ohelu, aia nō ke ho'opa'a 'ia nei e kū ana i nā hanana.

Ua hō'ike 'o Mika Keohokālōle i kona hopohopo i ka papa manawa a 'a'ohe kālā hou koe ke kālā Moku'āina i ho'oponopono 'ia he mau makahiki aku nei a i lilo 'ē i kekahi 'aelike. Ua hō'ike pū 'o Mika Keohokālōle i ka nui o ka hana a ka Luna Ho'olaule'a a me ka hiki i ke Komikina ke kāko'o ma nā pahuhopu ho'oulu kālā.

Ua like pū ko Mika Onishi hopohopo me ko Mika Keohokālōle no ka mo'ohelu ma ka laulā a ho'oulu kālā. Ua hāpai 'o ia e ho'ohana 'ia ka mo'ohelu i 'āpono 'ia he pahuhopu ho'oulu kālā a no kona ho'ohiki 'ana e kōkua i ka Luna Ho'olaule'a ma ka ho'oholomua i nā hana like 'ole. Ua

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 26 Kepakemapa, 2022, hola 3:00 'au ma o ka Zoom
'Ao 'ao 5 o 7

hāpai 'o ia no ko ke Komikina ho'omohala 'ana he palapala e 'ike 'ia ai nā mea lāli'i o nā hana
hoa kāko'o no ka Ho'olaule'a No'eau a Mo'omeheu Pākīpika. Ua hō'ike 'o Mika Onishi no kona
wala'au 'ana me kekahi mau kānaka no ke aupuni Pekelala a Ke'ena Moku'āina no ke ko'iko'i o
ka Ho'olaule'a No'eau a Mo'omeheu Pākīpika. Ua kāko'o 'o Mika Onishi i ko ka Luna
Ho'olaule'a mana'o no ka ho'ouna 'ana o ke Komikina he noi kālā kūhelu i ke aupuni pekela
ma hope o ka huaka'i a Mike Vares-Lum i D.C. Maika'i pū ke hana pū nā Lālā Komikina me ko
Hawai'i mau lunamaka'āinana a pēlā pū ka po'e no loko o ke Ke'ena Kuhina a me nā Ke'ena
Moku'āina 'ē a'e. Ua hō'ike 'o Mika Onishi no ka mālama 'ia o kekahi hālāwai nui ma
Wakinekona D.C. ma ka lā 26 o Kepakemapa, 2022, nona ka 10 paha Kuhina a alaka'i o ka
Pacific Island Nations e kūkā ai i ke kulana o 'Amelika Hui Pū 'Ia a me ke kāko'o i kēia mau
wahi. Ua mana'o 'o ia, he wā ko'iko'i kēia, a no ke aha e pono loa ai ka huaka'i 'ana i
Wakinekona D.C. a ho'ouna i ke noi kālā no ke ko'iko'i o ka Ho'olaule'a No'eau a Mo'omeheu
Pākīpika ma ke kālele 'ana i ka 'ohana nui o ka Pākīpika. Mana'o pū 'o ia, e pono e kono 'ia ka
po'e 'ōiwi Hikina a Komohana, 'o ia 'o 'Ālaka, e komo i ka Ho'olaule'a.

Ua hō'ike pū 'o Mike Ah-Nee Benham e holo laulā ana ka ho'oulu kālā no kekahi wā, 'oi ai, 'o
ka 20 miliona ka pahuhopu no ka Ho'olaule'a a ua nui ke kāko'o manawale'a a hō'ea i kēia lā.
Nui ke kāko'o o Mike Vares-Lum o ka Ho'olaule'a No'eau a Mo'omeheu Pākīpika a aia ho'i i
Wakinekona D.C. i kēia manawa a aia iā ia ka 'ike no ka Ho'olaule'a e ka'ana ai me nā mea
kāko'o. Mākaukau ke Kōmike Ho'okele i ka 'imi i ia mau kānaka ke ho'i mai 'o ia.

Ua hō'ike ka Luna Ho'omalua Ka'anā'anā no ka mo'ohelu a ka Komikina i 'āpono 'ē ai no ka 20
miliona a inā e 'imi ana ke Komikina e ho'oponopono hou, ua pa'a ma ka 20 miliona ma ka lā
9/26/22 ma ka hola 3:40 'au.

Ma kēia māhele, ua ho'olele ka Luna Ho'omalua Ka'anā'anā i kāna 'oneki e hō'ike ana
Hō'ulu'ulu Mo'ohelu a Kāmua Mo'ohelu Ho'olaule'a o ka lā 7 o Kepakemapa, 2022 o ka
hālāwai Komikina a me nā ki'iaka Hoa Kāko'o ka Ho'olaule'a No'eau a Mo'omeheu Pākīpika.
Ua hō'ike 'o ia no ka ho'omaka 'ana o ka Luna Ho'olaule'a ma ka nānā i nā ki'iaka hoa kāko'o
ke mākaukau 'o ia, a he ala nā 'anu'u e hō'ike ai i ka waiwai o kēlā 'anu'u kēia 'anu'u. I ke
Kōmike Wahi Hui e ho'opa'a ana i nā hanana, hiki ke nānā 'ia nā hana 'ē a'e e loa'a ai nā hoa
kāko'o no nā māhele like 'ole o ka papa hana a nui hou aku nā ala e kāko'o kūhelu 'ia ai e la'a
ka hui mokulele, hōkele, 'ea kākī, a pēlā aku, e ho'oulu kālā ai.

Ua hāpai ka Luna Ho'omalua Ka'anā'anā e 'āpono 'ia ka Mo'ohelu Ho'olaule'a No'eau a
Mo'omeheu Pākīpika 2024 no ka hālāwai o ka 17 'Okakopa 2022. Ua noi 'o Mika Onishi e
'āpono pū 'ia ka palapala Title Sponsor ma luna o ka mo'ohelu Ho'olaule'a No'eau a
Mo'omeheu Pākīpika a kāka'ahi 'ia i nā Lālā Komikina a pau. Ua ho'okuleana ka Luna
Ho'omalua i nā limahana nāna e ka'ana.

Ua nīnau 'o Mike Pu'u inā he Fund Development Manager o ke Komikina a he Mea Kākau Noi
Kālā e kāko'o 'ia ai ka ho'oulu kālā. Ua hō'ole ka Luna Ho'omalua me ka hō'ike no ko Mika
Keohokālōle mana'o e hui me ka Luna Ho'okele McCartney e 'ike ai i ka hiki ke ka'awale ke
kālā Ke'ena Kuleana Ho'okipa o Hawai'i i ho'okapu 'ia a e kāko'o 'ia ai kēia papa hana. 'O
kekahi mea, ua 'ike ke Komikina ma ka hālāwai hope no ka hiki 'ole i ka Luna Ho'olaule'a ke
ho'okō ho'okahi i ka ho'omākaukau Ho'olaule'a.

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 26 Kepakemapa, 2022, hola 3:00 'au ma o ka Zoom
'Ao 'ao 6 o 7

Ua nīnau 'o Mika Keohokālōle inā he ala ka SPC e loa'a ai ke kālā i ka wā e hiki mai ana a inā he kūpono ke noi 'ana i ke komo 'ana ma ke Komikina ma kekahi 'ano kūhelu a kūhelu 'ole paha. Ua hō'ike 'o Mike de Silva i ke kuleana o ka SPC a me ke Council for Pacific Arts and Culture (CPAC). 'O ka SPC ka hui nui a i ho'okumu i ka CPAC. Ua ho'okumu ka CPAC i ke Kōmike Ho'okō Ho'olaule'a No'eau a Mo'omeheu Pākīpika me ka ho'omākaukau pū i ka Puke Alaka'i Ho'olaule'a. Kāko'o ka SPC i ka 'āina nāna e mālama a kāko'o ma ka ho'okele i ka Ho'olaule'a No'eau a Mo'omeheu Pākīpika a me ka CPAC. Ua hō'ike ka Luna Ho'omalū Ka'anā'anā i ka pā paha o ka mana'o, 'oiai, he hui ke Komikina i ho'okumu 'ia ma lalo o ke Kānāwai 103 o Hawai'i 2021. Ua hō'ike 'o ia no kona hau'oli i ka ho'olauka'i pū a hana 'ana me ka SPC ma o ka Luna Ho'olaule'a a me Mika McComber. Ma kēia māhele, ua ha'alele ka Luna Ho'olaule'a no kekahi hālāwai me kekahi e loa'a mai ai paha ke kālā.

KA HŌ'IKE'IKE, KE KŪKĀKŪKĀ, A ME KA HANA PILI I KA NŪ HOU MAI KE KŌMIKE PAPA LUNA HO'OKELE

Ua hō'ike ka Luna Ho'omalū Ka'anā'anā no ka mālama 'ole 'ia o kahi hālāwai Kōmike Ho'okele i kēia māhina a ho'omau akula i kekahi kumumana'o.

KA HŌ'IKE'IKE, KE KŪKĀKŪKĀ, A ME KA HANA PILI I KE KŌMIKE WAHI A ME KA NŪ HOU MAI KE KŌMIKE PAPA HANA

Ua ho'olilo ka Luna Ho'omalū Ka'anā'anā i kāna māhele o ka hālāwai iā Mike Lum, ka Luna Ho'omalū o ke Kōmike Wahī Hui. Ua hō'ike 'o Mike Lum no ka hui 'ana o ke Kōmike Wahī Hui ma ka 21 Kepakemapa, 2022, akā, 'a'ohe mea nui e hāpai 'ia i ke Komikina. Ua ho'okomo 'ē ka Luna Ho'olaule'a i ia 'ike mai ia hālāwai ma kāna hō'ike āna i hō'ike mua ai.

Ua hō'ike 'o Mike Lum no ke kūkā 'ana o ke Kōmike Wahī Hui i ka Mana'o Ho'oholo 2022-01, a ka Luna Ho'omalū i hāpai ai e ho'opane'e pau loa 'ia. E hana pū ke Kōmike Wahī Hui me nā limahana e ho'okumu ai he waihona palapala e hiki ke hō'ano hou 'ia a ka'ana like 'ia me nā Lālā Komikina.

'ŌLELO HŌ'IKE A KA LEHULEHU

Ua kono ka Luna Ho'omalū i ka lehulehu e hāpai mana'o. No ka 'ole, ua ho'omau 'o ia i nā ho'olaha.

NĀ HO'OLAHA

Ua ho'olaha ka Luna Ho'omalū Ka'anā'anā e pono e ho'okō nā lālā komikina i ho'okō 'ole i ka State Ethics Training no ka Papa Alaka'i a Komikina. Hiki ke loa'a ka papa ho'onui 'ike ma ka pūnaewele a he papa ia he 33 minuke ka lō'ihī.

KA HO'OPA'A HĀLĀWAI – 17 'OKAKOPA, 2022


Ua pa'a ka hālāwai Komikina Ho'olaule'a no ka Ho'olaule'a No'eau a Mo'omeheu Pākīpika no ka lā 17 'Okakopa, 2022 ma ka hola 3 'au.

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'akahi, 26 Kepakemapa, 2022, hola 3:00 'auī ma o ka Zoom
'Ao 'ao 7 o 7

HO'OKU'U

Ho'oku'u ka Luna Ho'omalū Ka'anā'anā i ka hālāwai i ka hola 16:25 'auī.

Me ka ha'aha'a iho nō ,



Kalani Ka'anā'anā
Luna Ho'omalū

12 'Okakopa, 2022
Lā